

明

詩

紀

事

明詩紀事

貴陽陳田輯

張祥薦十一首

祥薦字道卿金壇人嘉靖己未進士除戶部主事歷員外郎中出爲河東運司同知遷雲南知府有華陽洞稿二十二卷

列朝詩集道卿與七子同時亦相往還其詩以清潤爲主不染叫囂之習故不爲時人所稱如云雁嘶江塞月人枕戍樓霜信警句也

靜志居詩話道卿詩瀟灑絕俗頗類永嘉四靈田按華陽洞詩聲調俊爽七律亦與七子調相近茲選取其清利一派

下邳

子房本俠士意氣橫秋旻志在翊亡韓養士輕黃金劍術豈
不偉惜非古所欽佐漢旣龍躍報秦亦淵沈素願一以酬封
侯非夙心長揖謝圭組鳳凰翔千尋

春日偕吳崑麓沈劍南杜靜臺飲城東水亭

雲靜水容澹煙輕山翠微一尊蓬落日孤興到漁磯碧草未
堪把青春強半歸忘機鷗鳥識故故傍人飛

丹陽道中夜泊

細雨丹陽郭新寒小雪天孤舟繫遙夜亂葉落疏煙一斗吳
姬醉三百水衝錢淹留問叢桂高詠小山篇

初夏曉起

曉起池塘新水平炊煙不動四鄰清放梢疏竹弱無奈挾子

幽禽馴不驚園果半黃和露摘水田分綠帶雲耕長貧詎是
因官薄懶性從來不治生

徐州登戲馬臺

羣山迴合擁徐方望眼平臨鳥路長斷壁中開危磴立飛流
西下濁河黃風塵伯業偏安地戎馬中原古戰場最是楚宮
堪涕落荒臺無樹倚斜陽

寶應湖阻雨邵禎數年兄贈詩卽景賦答

繫綰共聽湖上雨逗帆同阻石尤風殘春楚水沙棠楫落日
淮山桂樹叢海內文章陳伯玉船窗書畫米南宮新詩勞贈
瓊瑤重欲報雙金愧未工

順德道中午憩

燕趙驅馳一駐車悲歌懷古獨躡踏處誤作平原客去國
慵題樂毅書白芷迎風秋颯颯青槐垂屋雨疏疏問程南走
邯鄲道悵憶才人下嫁初

過邯鄲黃梁祠

客路南來又幾程西風一十九長亭亂山傍馬暗逾碧芳草
撩人秋更青往蹟尋常行處在異途依約夢中經邯鄲道左
神仙去試問盧生醒未醒

南中秋思

憶昔悲歌燕市中鄉書猶得寄南鴻年來更逐孤雲遠歲晏
曾無一字通獨夜暗愁連蟋蟀故園秋夢到梧桐駐顏不信
丹砂訣句漏何須滯葛洪

初夏西庄

門外青溪接五湖，綠陰如水水如鋪。
舍南舍北多漁市，村近村遙有酒爐。
篳拂新梢移翠竹，窗分涼影轉青梧。
十年一覺長安夢，歸訪煙波舊釣徒。

買舟

曉窗百舌數聲曉，雨歇春流綠滿隄。
買得扁舟小如葉，憶梅撐過野橋西。

曾同亨

「首」

同亨字于野，吉水人。嘉靖己未進士，授刑部主事，改禮部吏部，厯員外郎、中進太常少卿。以事歸起，大理少卿，厯順天府尹，以右副都御史巡撫貴州，移疾歸。

起南太常卿召爲大理卿遷工部侍郎進本部尚書
加太子少保以病歸起南吏部尙書加太子太保贈
少保謚恭端有泉湖山房稿

次登雪浪閣韻

閣上寒雲冉冉歸江頭木葉向人飛清風明月成孤賞負卻
山中歲筍肥

沈節甫

「首」

節甫字以安烏程人嘉靖己未進士授禮部主事厯
員外郎中移疾歸起光祿寺丞累官至南刑部侍郎
召拜工部侍郎贈右都御史謚端靖有太樸集

別家後述懷

弭蓋俄驚春事更揚帆又過閩閩城自緣朱紱驅行役枉使
青山費送迎某水某邱耕釣但一談一笑歲時情田家萬事
堪恩憶金馬空傳遺世名

錢鎮一首

鎮字守中烏程人嘉靖己未進士官兵部郎中有淡
菴集

山中雜興

當午炎氣蒸煩溽困不舒披徑啟荆榛芳樹垂華滋羣鳥藉
麻蔭宴無畢弋虞水面微風至荷香與之俱心曠暑不侵况
茲值涼颸余心久無械鳥巢可俯窺異類尙爾馴何用多疑

爲

沈桐 一首

桐字時秀歸安人嘉靖己未進士累官右副都御史
巡撫福建

送王東涯

陽明高弟子心齋之子

身世駛隙駒斯道無終窮紛紛百年內奔馳空西東卓哉山
陰叟示我真參同奈何假道者竊弄迷其宗靈明信天啟拂
拭須人功毫釐或有違千載成冥蒙念子賢者後至理早已
融譬彼三世醫指授甯無從金陵多少年矯矯猶羣龍接席
尚未煖言別何匆匆秋風吹白楊送子意萬重再來慎勿暮
桃李候春紅

張鹵 一首

鹵字召和儀封人嘉靖己未進士累官右副都御史
巡撫保定以忤張居正馮保左遷南太常卿有詩東
集十四卷

秋日寄答謝茂秦

江天渺渺雁初飛桂子風前點客衣宦況那堪秋又晚詩朋
偏恨信全稀雨中上黨春聯句燈下陽城夜掩扉舊事祇今
常在眼登臨空憶謝玄暉

沈啟原

一首

啟原字道升秀水人嘉靖己未進士累官陝西副使
有鷓鴣園草巢雲館詩紀

登本覺寺追次蘇韻

支公駐錫此祇林
蘚剝殘碑尚可尋
三過首廬俱是幻
當年世故總成今
談經卻憶蓮花舌
卜隱長懷薜荔心
徒倚清暉忘去住
滿庭花雨正秋深

林澄源

一首

澄源字仲清莆田人嘉靖己未進士除戶部主事歷員外郎中出爲貴州參議厯參政擢四川布政使有悟往吟

贈徐山人

結束芒鞋踏紫霞
慢亭深處覓仙家
一聲長嘯雲飛去
三十

六峯春自花

宿度

四首

度字元周掖人嘉靖己未進士累遷按察使以太僕

卿致仕有淡然園集

王士祿溥音集太僕介靜有大節不附江陵時有十六君子之號性僻山水宦轍所至屐齒殆遍爲詩清恬翛然庭衷

四月始得解官賦此明志

少乏明哲資逐波落塵網悠悠四十年一朝謝鞅掌偃息舊
園廬草木何蕭爽良晨策杖遊泉石恣所賞招我素心人攜
壺借草莽羲和不弭節歲月忽已往南榮有遺編何爲多營
想

宿塔院寺

探幽尋古刹遙度碧山岑雨過一溪響雲歸千樹深異香聞

寺院清磬出祇林暮宿招提境翛然象外心

正月吉祥寺餞劉梅沙憲長

楚客辭官去羣公祖梵林別絃驚漸急離思悵何深松栝藏
初地汾流帶夕陰嗟予亦倦鳥幾欲仰朝簪

嘯臺

幽人已千載寥廓百明火獨對山臺月誰聞鸞鳳音冰霜仙
字剝松柏古祠深落落重過日甯知歎賞心

公一揚一首

一揚字■蒙陰人嘉靖己未進士官工部郎中有

聞吟集

卜築

卜築幽崖下松桂自成陰清流環茅屋好鳥鳴深林涼風颯然來時送採樵音望望隔層巒願言寄遐心

陳省

一首

省字孔震長樂人嘉靖己未進士

漢祀壇

漢武尋仙盡海濱乾魚曾祀武夷君至今人代更如許猶有空壇鎖白雲

唐堯官

九首

堯官字廷俊晉甯人嘉靖辛酉舉人有五龍山人集

田按廷俊樂府古詩可與王子衡輩抗行惜邊地無人以張之也人知滇有張果山亦識有五龍山人乎

東門行

出東門平岡逶迤望之慘以悲新塚讐其嶌起借問死者何人斯仗劍三年去一旦輿櫬京都歸兄弟客死亦何苦冥冥蒼天當怨誰爾身死莫恤寡妻閨中復何依管鮑不作古道陵夷鬚亂之交徒爾爲

西門行

步出西門行北風淒以寒道逢遠鄉氓涕泣坐長歎問之亦何泣性命難苟延瘠土亡廣收征賦盡輸官去年加征力已殫今年加征役更繁妻子已賣蟲刑誅不少寬相彼號鳥深林可安度枝隱葉毛羽亡殘晝辭遠方去饑寒生死任皇天寄謝世間人耕田良獨難

梅花落

亭下芳梅樹春來色漸凋香隨風共遠花與雪俱飄不覺年華改空悲道路遙相思徒自遣看罷倍蕭條

白紱辭二首

春陽駘蕩百花妍黃鳥嚶鳴紫燕翩雕房繡闌綺疏連蘭肴桂醑開瓊筵吳姬一入明粧鮮輕軀白紱隨風旋相攜挾瑟彈朱絃願君極飲慶芳年

金風瑟瑟吹庭柯雙星爍爍明秋河人生百歲疾如梭爲君酌酒揚清歌流紈曳縠舞陽阿凝嬌送笑權情多不惜旣醉朱顏酡酒盡鶴鳴奈樂何

烏棲曲

長檣大艤江煙薄歲歲揚州恣行樂月明橋上管絃新誰能

獨自度芳春

巫山高

巫山高不窮秀色野煙中驚濤搖翠巒驟雨暗丹楓夢覺襄王幻臺悲神女空獨有猿聲切朝暮送征蓬

竹枝詞

二首

瀼東春水瀼西通江上紅樓暮靄中郎去郎來渾不定相思日日望征蓬

郎在東吳妾在家錦堂終日弄琵琶茶牋曾是郎親種不見郎歸只見花

明詩紀事

艾穆 九首

穆字和甫一字純卿岳州平江人嘉靖辛酉舉人除
阜城教諭入爲國子助教擢刑部主事進員外以劾
張居正奪情被杖謫戍涼州居正死起戶部員外出
爲四川僉事擢光祿少卿厯南鴻臚卿召拜太僕卿
以右僉都御史巡撫四川有終太山人集十卷

靜志居詩話艾公與吾鄉沈純甫先生同論江陵奪
情其適成一西一南艾公出都詩云病向西風一促
裝寥寥征雁塞雲長流沙萬里無愁遠去國孤蹤信
若狂楚客江魚身可葬漢臣馬革骨猶香青山到處
皆吾土豈必湘南是故鄉是亦達人之言西竄之後
詩律多效空同自公而後南風多死聲矣

田按艾公以南歸廬召拜太僕卿史云太僕少卿
非其實也公詩摹杜特挾奇氣蓋有偉抱者自無凡

樂也

鄂縣馬明府拉遊漢陂空翠堂紀興

天涯風物獨相親一笑江頭對白蘋爲有波光清入酒況兼
山色澹宜人地如澤畔應吟楚客是長沙解過秦此日逢君
花滿縣桃花不說武陵春

暑日飲後見白髮

身世飄然類轉蓬驚心素髮憶兒童醉從赤日流天外吟遣
青霜落鏡中合伴窮愁娛晚日豈緣衰颯怨春風翩翩猶道
潘郎少秋興年來亦白雄

登南五臺後次早復登東五臺蓋皆終南第一峯而東
臺尤險絕稱勝紀興

嵐光空色相繢紛白動天門曙欲分路經碧澗失三伏人在
瑤空低五嶺青山此日弔藜杖白晝元氣坐氤氳卧來忽作
遊僊夢看遍洞中赤霞文

蔡丈下第歸楚

柳花如雪亂河梁一曲驪歌向故鄉楚璧可憐悲上國燕金
猶自待中郎關河曙色催程急夢擇春陰引興長送爾爲揮
遊子淚薦門煙雨似瀟湘

送孫山人歸楚

把袂青門落日愁太行山色滿城樓孤村芳草三年色雙劍
關河萬里秋晨是風塵能落魄且爲天地一豪遊古來遷史
多奇迹猶有浮湘事可求

舟中漫興

舟中偶仄不得往閑坐只吟數首詩開窗笑放萬山入走筆
疑有三江隨渚花蕩漾帆色淨落月掩映湖天宜晴篇檢罷
問新月金波滾滾瀟湘淢

江月

大江倒月動我船湖天一色秋更妍樓臺萬點鏡中落魚龍
獨抱山光眠深杯寂寂酬暮景逸興飄飄凌紫煙風塵忽已
逾十載此夜江邊空自憐

登龍王堂

火雲策馬松峯顛松陰隨人淨娟娟笑從碧洞失三伏坐對
高僧空萬綠野蔬濁酒趁幽意殘棋半偈驚畫眠興來復向

翠微上醉眼十二樓中懸

穆鍊師不出觀者五年爲贈詩

丹竈煙霞盡日封只聞靈籟和疏鐘步虛人在華陽洞欲上

青天跨白龍

明詩紀事

貴陽陳田輯

己編

申時行

八首

時行字汝默長洲人嘉靖壬戌第一人及第授修撰
歷中允諭德左庶子擢禮部侍郎改吏部兼東閣大
學士入預機務進禮部尙書兼文淵閣大學士累進
少傅兼太子太傅吏部尙書建極殿大學士加少師
兼太子太師中極殿大學士贈太師謚文定有賜間
堂集四十卷

獨元成選集文定有韻之文對客立就不爲叫噪亦厲之音不爲卑弱浮靡之調才高學富神清氣定故

不必摹調襲格刻染煙雲與墨卿藻士爭長毫穎而自無不令

列朝詩集少師文藻婉麗實出同時殿閣之右
田按論相聚於江陵後雖乎爲繼文定當國其待言
官尙不如江陵之刻鄒爾瞻効罷徐學謨學謨文定
戚也以他事逐之已而占物情稍稍擢潤牘官世以
此稱長者文定沒後刻賜閒堂集有爾瞻序頗致褒
揚其同里給諫羅大紘見之怒甚勒令毀草謝過乃
已文定之歸以建儲事羅大紘疏謂陽附羣臣之議
以請立而陰殺其事以內交可謂洞見肺腑文定津
津置辨見於賜閒堂集四十卷雜記中然世莫之詆
也文定詩格軒爽卽事三首猶見江湖魏闕之思

大峪行

大峪山頭氣鬱葱龍翔鳳舞來空中百二河山閉福地萬年
天子作新宮新宮巔築雲霄裏福地氤氳煙霧起面面峯巒
削不成迴翔澗壑石齒齒壯麗當年說永陵規模今日更恢
弘因山作城城百雉累石爲臺壝九層玄宮窈窕疏地脈紫

殿巍巍象天極迴看複道彩虹飛仰視明樓絳霄逼居然宮
闕寢竚壘別是乾坤啟壽圖雲捧至尊紆萬乘從官悅惚聞
三呼三呼似起宸遊處是日天顏多悅豫應知喜色被山川
還見新恩覃雨露暢昨經營相宅時金貂玉珮先馳驅五度
鑾輿臨碧巒三回慈馭集瑤池兩宮親爲吾皇祝宜爾子孫
膺芳祿燕喜齊稱萬壽觴鴻麻已協三靈卜少年不習青鳥
書倉皇攘臂談堪輿一咤千人皆辟易重瞳四顧爲躊躇豈
知聖志符天意直以片言排異議十行一札降從天萬姓六
軍歡動地太陽始出重險開民庶欣欣共子來不辭頻年作
左校但願不日成靈臺畚鍤如雲汗如雨軀命易金金易土
君王顥笑只須臾少府水衡空立堵由來興建重勞民吾皇

此意尤諱諱木車茅馬常思漢銀海金鳬深鑒秦方上只今
將寵役露臺從此惜中人

賜問堂雜記初上幸天壽山展謁諸陵旣踰年欲再
往蒲州以爲鑾輿數出無事慢遊不可爲訓無已則
請如世宗頃小壽陵故事庶駕出有名上從之乃命
禮部選舉素諸地理者與欽天監官協同相擇乃推
南京刑部尙書陳道基通政司參議梁子琦聽補僉
事胡宥與監官張邦垣楊汝常偕往子琦剛慎自用
與眾議不合乃獨獻吉地入處俟上臨閱地在斷崖
深谷墳崎福仄中乘輿厯陟危險上意不憚並報罷
而定形龍天峪兩山命定國公文璧輔臣時行及司
禮太監張宏率相擇官覆閱時道基宥已辭去獨子
琦在禮部請其奸勝喜爭前所奏地皆報罷不列其
名子琦怒遂疏論尙書徐學謨而詬侵余上惡之勒
令閒住及駕再問定於大峪山勒工部擇日興工時
御史李植江東之與子琦厚善欲因事啟翼乃與御
史羊可立共疏言大峪非吉並劾監官張邦垣等欺
罔而遍行金錢賂上所親信小豎當時號爲十俊者
費已鉅萬九卿皆有憂色各具疏請上獨斷上乃召

輔臣時行等入見於感思熙東室命降植等三級植等前以論籍江陵升太僕光祿尚寶各少卿至是復授員外郎主事而壽宮之議息矣始余被命閱視第以首臣在行原未習形家之說而閭臣職業從未有以相地爲輕重者諸臣別有推戴欲擊去余與新安等而上英斷終不爲所焚惑也

村居

梗稻千畦熟兼葭一水長結茆臨淺渚支木度橫塘蓴鱠調羹美松醪瀅甕香莫嫌城市遠樂事在滄浪

歸田後初過治平寺

上方煙雨石湖秋三十年來續舊遊僧寺依然開白社宦情早已付滄州祠邊碧草繁書帶橋畔青莎隱釣舟文穆風流安可仰江亭猶自榜盟鷗宋范文穆公鈞處有盟鷗亭

過徐少參園池

千疊峰巒一鑑收別從人境寫瀛洲浮觴絕似蘭亭會噴壑
眞看瀑布流坐愛桃源時進艇望窮蘿壁更登樓不因解組
攜同調那得名園逐勝遊

卽事 三首

玉策金符出尙方海東萬里拜夷王三韓幸不侵甌脫九譯
何妨貢越裳持節子侯眞孟浪徵兵都護亦倉皇聖朝遠馭
如天覆築室甯須問道傍

臺省聯翩放逐新扣闈眞覺諫書頻由來立馬難鳴仗誰道
探龍有逆鱗瑣闈至今虛補闕都亭何處問埋輪賜環計日
頒優詔聖主能容憲直臣

漢宮宵炬劫灰沈矯首雲霄思不禁未論經營須物力還因

謚告識天心徵材已罄南山梓助酌誰輸少府金見說詔書
稱罪已老癃扶杖已謳吟

菊圃留客小飲漫興

菊圃茆齋次第成客來終日欵柴荆溜匙好共青精飯下豉
仍調錦帶羹有酒且須澆磊塊不冠時或廢蓬迎百年世事
那堪問浮拍何當了一生

余有丁

一首

有丁字丙仲鄞人嘉靖壬戌第三人及第除編修歷
司業洗馬右諭德左庶子出爲南國子祭酒召拜少
詹事兼侍讀學士進太常卿擢禮部侍郎改吏部進
禮部尙書入直文淵閣改戶部兼武英殿大學士加

少傅兼太子太傅進建極殿大學士贈太保謚文敏
有文敏集十五卷

贈山人遊澤潞

相見未云久相違無那輕尊前湖海色天外薜蘿盟春與故
人去愁隨新柳生平生雙淚眼爲爾獨沾纓

郭諫臣

八首

諫臣字子忠長洲人嘉靖壬戌進士除袁州推官徵
授吏部主事厯員外郎中山爲江西參政罷歸起鄆
陽巡撫未上卒有餽溟集四卷

四庫總目諫臣爲袁州推官時憤嚴嵩父子亂政乃密
籍嚴世蕃姦逆不道事因御史林潤上之世蕃遂伏
法及遷吏部員外論列時事語多切直遂與張居正
忤其生平伉直不愧其名與字而其詩乃婉約閒雅

有范成大陸游之遺雖十首以外不免語意略同如
高仲武之論劉長卿者然當太倉厯下主持壇坫之
時能毅然自爲不隨風氣亦足見其孤介矣

弇州山人續稿

弇州詩調暢清麗句穩而字妥近體尤濶

可詠

田按經淇王

絕特有韻致

秋日都門送別有感

爲送南歸客翻憐北駐人白雲凝望遠華髮共愁新落日湖
南橘秋風江上尊何時返初服吾亦任吾真

山房晚坐

山中初病起三宿違公房避俗尋蓮社全生禮藥王泉流穿
澗冷花落染塵香對此逍遙坐將迎意盡忘

暮秋與徐兵憲郭參戎同登望江樓

層樓高聳大江濱與客銜杯醉夕曛地控荆甌山四繞臺臨

己籤卷十四

五

章貢水中分旌旗霞映紅成綺金鼓風飄響入雲回首更憐
秋色晚滿城黃菊送清芬

晚登南安公館後樓

夕陽煙郭萬山圍暮倚危欄挹翠微徹海天高人北望江湖
秋老雁南歸疏簾風入還吹帽虛檻雲生欲上衣興比庾樓
眞不淺坐着明月漸輝輝

春城送張幼子遊錢塘兼寄張水部德夫

胥江春水漫城陰詞客乘春去武林三月風光湖上好六橋
草色雨中深年來夙有青山約別後應多白雪吟花下若逢
張水部爲言子已二毛侵

夏日書齋

香消日正長蟬鳴夢初醒睡起立空階梧桐落清影

山窗獨坐

日永篆煙銷風寒秋薄閒窗無客來坐久庭花落

秋晚南園

幽棲謝俗緣僻性耽清賞醉後步蒼苔東林月初上

穆文熙

十二首

文熙字敬甫東明人嘉靖壬戌進士除行人進司副
遷工部員外厯尚寶司丞改吏部員外出爲廣東副
使有逍遙園集十卷

弇州山人續稿考功詩律雄渾奇崛所當無前惟小
沈伯氣足使唐人退舍

靜志居詩話敬甫論詩沾沾自喜亦強作解事爾集
爲劉子威石拱辰所定又安得佳

田按敬甫與王元美通聲氣元美謂諸賢操觚而與余交在四十人之列者也逍遙館集七律習氣太甚惟七絕一體清婉動人有往復不盡之致

送人

濁酒清燈黯不禁雲山千里別同心明朝二月東城外黃鳥
關關白故林

憶省中故人

解組歸來鬢欲華從今萬事付煙霞故人不用憐生計已種
東門五色瓜

寄京中友人

往事回看盡可哀黃金駿馬等塵埃定知此日東風裏春草
淒迷樂毅臺

登樓送蜀客

何事相將盡酒觴天涯會晤杳難量陽關只在清尊外不聽
猿聲亦斷腸

上高相公

解印歸來歲幾經角巾常傍少微星山中宰相無塵事鳳沼
年年草自青

送王子還越

王子南歸清興饒湖邊歌舞駐蘭橈不知彩筆題詩處更向
蘇公第幾橋

懷潭翁呂夫子

同向明時解綬歸十年漳水各漁磯春來何限相思苦暮雨

蕭蕭自掩扉

贈別王山人

草逕時來不厭頻
十年聚首見眞情
於今歸去蘭溪里未必
鄉關是故人

得助甫晉陽書

一別雲山阻唱酬
帛書兩度下并州
高情不是張平子
何得懷人賦四愁

題西湖景

越王城下有西湖
千載繁華寄畫圖
我欲南遊看放鶴天風
先與報林逋

仰蓮遊蘇門山回詩以嘲之

秋山廻邇錦林凋獨把瑤琴何處調流水調高人寡和蘇門
風雨自瀟瀟

山家

廻邇荆扉鎮暮霞潺湲澗溜遙籬斜山翁不解春來去獨立
夕陽數落花

李學道

六首

學道字汝致東陽人嘉靖壬戌進士除丹陽知縣徵
授御史以事出爲廬州司理擢南兵部主事厯郎中
出爲順德知府未上以憂歸起青州知府有青霞館

詩稿

田接汝致爲御史巡中城頗有風力許義拔刀嚇財
執而吾之羣瑞殿故致於午門外都御史王廷以身

翼之乃免時華亭當國戊首惡三人杖九人調汝致
於外以兩解汝致詩清教幽思如野籬疏花別有風
趣以視當時叫囂者喧且塵上矣

發舟

扁舟下蘭江江水何泚泚余家激溪濱溪流亦經此已別故
鄉人重逢故鄉水搖搖彩鷁飛東風疾於駛轉盼芙蓉峰渺
在層雲裏東山況復東迢迢三百里縱使無纖雲極目那能
指薄暮且停橈言採江岸芷採芷欲何爲寄與江中鯉

遊臥佛寺

綠陰迷野徑寂靜得禪關佛臥何時起吾分半榻聞枕邊虛
白石簷外自青山蚤破浮生夢居然出世間

秋思

半窗疏雨碧梧涼無那清秋客思狂淮水正蓮鷗歸白鍾山
如笑撥毛蒼美人相隔幾千里新雁乍來三兩行欲向西風
問消息重雲漠漠暗江鄉

首夏湖堤

郭外薰風散旅愁湖光山色共悠悠層荷出水綠於染老檜
蔭隄青欲流孤興不妨隨匹馬野情真可侶羣鷗雙眸不著
風塵色閒看江雲度石頭

過雲陽舊治

重過雲陽泊旅舟炊煙飛散雨痕收黎元自合歌新政故老
猶能話舊遊一笑春風花滿縣十年塵夢雪盈頭相逢意氣
無今昔坐對清樽盡日留

杜華南使君邀飲甘露寺

北固重登今十載嚴花含笑似相親空林倚杖無塵事斜日
開樽有主人漠漠水雲雙寺渺霏霏煙柳一江春鍾山只在
凭闌外嵐氣成霞入望頻

王叔果

四首

叔果字陽德永嘉人嘉靖壬戌進士除清江知縣改
常熟徵授兵部主事歷員外郎中出爲大名知府歷
湖廣副使進參政以事罷歸起福建參政不赴有玉

介園稿二十卷

田按陽德園於湖側名陽湖別墅又名玉介集弱
侯有玉介園記茅鹿門有陽湖別墅記王弇州有陽
湖別墅前後記黃彪有陽湖別墅國別墅有紫二十
陽德皆有詩咏之朝瞻南岫雲夕弄南湖月則咏清

暉堂也嘵傲據東窗天際孤亭小則咏紅青閣也
魚弄波光初日盡微暄則咏知樂軒也豈曰惜芳菲
聊以閱年華則咏聚秀園也逶迤遵回蹊殘英落春
澗則咏紅雨蹊也綠雲晝不閒曲澗春流漫則咏連
漪亭也遠人葆其光游心於玄默則咏清光室也翠
蓋瀉駢珠新妝嬌解語則咏暑香亭也鮮露漱幽香
明月散清影則咏金粟嶺也白裏曳斜陽翠壁光相
射則咏穿雲峽也獨坐松下石時眺湖中山則咏超
賢亭也翠落寒池明冷浸瀟湘雪則咏筠阿館也萬
木青山坳千林翠欲滴則咏綠沈坳也方沼甃寒玉
瀾瀾分雲根則咏渟玉沼也狎臨薄暮歸一棹川光
暝則咏卧虹澗也暗苦動流雲疏影時明滅則咏香
雪鴟也檀欒影離離糊風吹許許則咏清涼界也濯
錦波粼粼深洞不及駛則咏錦浪堤也鐘聲雨外遲
梵語林中靜則咏賓界菴也晏坐湖上雲周覽莽無
極則咏浮碧臺也陽德不以詩名擬其雋語可以屏
浮鬱之氣

清靜軒爲九嶽王丈賦

幽居抱沖素境寂煩累絕間披老氏書悟想自怡悅白雲散

前楹長松挂新月

徐氏西園

側徑重重轉危橋曲曲通樹交當夏密花發借春紅別院聞
嬌鳥閒庭繫玉驄坐深微雨過檐際落煙虹

後湖

六朝臺榭蔓荆榛湖上重來倍愴神最是多情隄畔柳翠眉
猶作舊宮顰

送項華林北上

翩翩征旆拂春風驛路山花照馬紅年少猶家休悵別津亭
柳色似河東

蘇民懷三首

民懷字子仁南海人嘉靖甲子舉人除趙州學官入
爲國子監丞遷刑部主事改戶部歷郎中出爲朗甯
知府有吹池稿

田按子仁詩頗英俊

書北齊馮淑妃傳後

鷹犬儀同各階級琵琶當殿黃門立齊兵已破平陽城妖星
馬上催粧急蒼黃介胄暗塵飛猶自嫣然著錦衣不聞汾水
方酣戰尙憶天池更打圍金雞曉上白楊樹不見鄴宮行樂
處無愁曲奈有愁何粉鏡敲殘紅淚多

俠客行

殺氣臨沙磧黃塵白晝飛請君雙羽箭破虜百重圍轉戰隨

驃騎捐生事武威從來遊俠骨不是願輕肥

野老

草閣臨江東荆扉向水開花深嚦鳥坐風細晚潮來綠竹籠
沙岸丹楓點石臺滄浪有漁父煙艇日徘徊

胡衡一首

衡字平甫會川衛人嘉靖甲子舉人有鳴畝集

訪人不遇

一徑入山路南中隱士家山苗栽半夏石火煮新茶白鶴窺
書幕元猿護鼎砂訪君君不見鎮日望煙霞

明詩紀事

貴陽陳田輯

白鑑

王錫爵

二首

錫爵字元馭太倉州人嘉靖壬戌第二人及第授編修累遷祭酒進詹事拜禮部侍郎進本部尚書兼文淵閣大學士參機務累加太子太保改吏部尚書進建極殿大學士賜歸加少保贈太保謚文肅有集五

十二卷

茉莉羣芳

靜志居詩話元美標榜詩人於五子四十子之外以
其弟敬美及文肅稱二友焉

瑤臺嘉樹散清香名品相傳出越鄉姿孕仙漿塵不染影籠
華月玉爲粧非關嶺表根苗異自是天邊雨露長聞說堯階
生屈軼願言移植伴羣芳

蹇達

一首

達字子脩重慶人嘉靖壬戌進士累官兵部尚書有
鳳山草堂集

贈濮陽李符卿

懷璧甯堪罪無端乃陸沈豈緣明主棄轉覺謗書深郡僻容
高卧言閒足苦吟遂臣心未折秋氣任蕭森

林煙

一首

煙字貞耀閩人尚書庭機子嘉靖壬戌進士授戶部

主事厯廣西副使還太僕少卿終南工部尙書有置

部集六卷

東南嶠外詩話林貞耀登攝山絕頂句云雲霞縹渺
諸天近草樹迷茫萬壑低王氣長浮鍾阜北江流斜
抱石城西非親涉其境者不知此語之工也

渡湘潭

瀟湘日夜向東流萬里西行獨未休擬弔汨羅何處是江離
極目不勝愁

戚元佐

四首

元佐字希仲秀水人嘉靖壬戌進士除禮部主事厯
員外郎中遷尙寶少卿有青藜閣集

靜志居詩話吾鄉彭于殷論詩卽尙七子然其詩不
類也至戚希仲則全以七子爲圭臬弇州列四十子

不及希仲何與
稿李詩繫希仲善楷法與文徵仲頴頑畫祖巨然筆

力蒼勁詩極秀穎

京師上元詞二首

月滿天街晝霧飄燈樓歌吹咽春宵自來都下傳遺俗一片
新粧出走橋

火樹光搖照九衢粧成百寶錯流蘇春官自有文皇典每至
元宵請大酺

春日

綺閣香籠繞碧紗夢回亭午試新茶湘簾半捲微風起花汙
屏前玉辟邪

春日同戴將軍送柴子開

立馬章臺酒數巡柳條空自裊殘春花前獨有羌童侍學得
吳歌送越人

項思教

一首

思教字立菴臨海人嘉靖壬戌進士授刑部主事厯
員外郎中出爲漢中知府厯湖廣參政遷廣西按察
使

將之楚會縣尹陳君崑潘君霖於真武洞

一曲清江萬疊山筍輿晴日度仙關陰陰石洞爐煙細寂寂
松扉鶴夢聞清磬遠從天外落黃冠已向日邊還於今悟得
長生訣說與諸君一破顏

蔡可賢

二首

可賢字子齊成安人嘉靖壬戌進士累官副使
有西征鼓吹

平甯夏二首

五月王師大合圍石如雨下矢如飛健兒不識
醫生面夜半挑燈認繡衣

力盡謀窮內變生無須血刃下堅城等閒一曲
黃河水誰信強於十萬兵

列朝詩話甯夏之役海衛都監軍單騎免胄出諭諸
首皆羅拜決戰黃河水灌城乃成功二詩皆實錄也

沈立華

一首

玄華字選伯嘉興人嘉靖壬戌進士除禮部主事歷
官南太常卿遷大理卿有竹葉軒藁

敬禮南都奉先殿紀事

高皇肇太廟松桷運穹靈尊祖有孝孫典禮邇升躋一從遷
都後遺制終未睽有司列俎豆上公視瓊圭豈意歲甲午烈
火墮棲題謹謹出出旨其兆先端倪盈庭議移祀中廢成町
畦猶餘奉先殿薦新乃殖鞠微臣承祀事入廟歌鳴鷗高后
配在天御幄神所棲眾妃位東序一妃獨在西成祖重所生
嫡德莫敢齊一見異干聞實錄安可稽作詩述興故不以後
人迷

靜志居詩話明南都太廟嘉靖中爲雷火所焚尚書
湛若水請重建而夏言阿世宗意請罷有旨并入奉
先殿按長陵每自稱曰朕高后第四子也然奉先廟
廟制高后南向諸妃東列西序惟嫡妃一人具載南
京太常寺志蓋高后從未懷妊豈惟長陵卽懿文太
子亦非后生也世疑此事不實誦沈次理詩斯明徵

矣

王乾章

一首

乾章字順卿東陽人嘉靖壬戌進士除中書舍人進
御史出爲四川僉事改河南歷江西參議廣東副使
以事罷歸起福建僉事進雲南參議有浪遊集

舟行

風生桂檣輕顧盼不知處一帶水痕香蓮舟從此去

明詩紀事

貴陽陳

田輯

己籤

許國

一首

國字維楨歙人嘉靖乙丑進士改庶吉士除檢討厯編修贊善洗馬遷南國子祭酒召拜太常卿領祭酒事擢詹事兼侍讀學士遷禮部侍郎進尚書兼東閣大學士入贊機務加太子太保文淵閣大學士進少保武英殿大學士加少傅兼太子太傅改吏部尚書進建極殿大學士贈太保謚文穆有集六卷

王家屏文端集少傅許文穆公未遇時讀書宛陵山寺有兩青鳥飛鳴其前移時乃去僧言此碧雞也相

傳唐李翰林自蜀中攜來惟舒梓溪狀元一見因出所藏圖繪示公公爲賦碧雞篇意頗自負

送江近山南還

昔年與君何處遊曲鴟春花小閣幽今年與君何處別旅舍
秋風吹落葉人生聚散那可期葉自飄零花自飛一同相見
一回老百年能得幾時好管鮑交情世有無全交要在心相
孚心疑頓起一方怨山海千重隔座隅君不見道傍伏謁車
中嗔布衣往往能驕人三千門下爭彈鋏食客誰言薛邑貧
請君棄置勿復道有酒與君且傾倒蘄門秋迥雁南翔朔漠
風塵異故鄉君隨南雁且歸去遲我黃山丹爐傍

陳經邦

二首

經邦字公望莆田人嘉靖乙丑進士選庶吉士授編

修歷諭德侍讀學士進禮部侍郎兼太子賓客詹事
府詹事擢本部尙書贈太子少保有羣玉山房詩稿

秋風吟

夢收總新轡四序已半過仰視河漢流皎皎生涼波常恐荃
蕙晚離思當奈何徘徊不能寐慷慨還自歌

乞休

宦情元偃蹇世路况艱虞短策惟三徑扁舟自五湖詞應裁
棄婦論可著潛夫聞道東園竹依然覆酒鑪

歸有光

五首

有光字熙甫昆山人嘉靖乙丑進士除長興知縣遷
順德通判擢南太僕寺丞有震川先生集三十卷別

集十卷

列朝詩集熙甫爲文原本六經而好太史公書能得其風神脈理其於六大家自謂可肩隨歐曾臨川則不難抗行其於詩似無意求工沿泊自適要非流俗可及也當是時王弇州踵二李之後主盟文壇聲華烜赫奔走四海熙甫一老舉子獨抱遺經於荒江虛市之間樹牙頰相榰柱不少下嘗爲人文序跋排俗學以爲苟得一二妄庸人爲之巨子弇州聞之曰妄誠有之庸則未敢聞命熙甫曰唯妄故庸未有妄而不庸者也弇州晚歲贊熙甫畫像曰千載有公繼韓歐陽余豈異趨久而自傷識者謂先生之文至是始論定而弇州之遲暮自悔爲不可及也

汪琬堯峰文鈔先生詩往往有出入孫愐廣韻及吳才老韻補者最爲古雅

田接熙甫五古得古人遺韻據事敷辭皆有關係王阮亭笑汪鈞翁注熙甫詩人之嗜好實有不可解者猶不免詞人之見

沛縣

泗水抱城堙東去日潾潾豐沛至今存漢事已千春嗟我亦

何爲獨歎往來頻。封侯不可期。白日坐沈淪。每見沛父老。旅
行泗水濱。雞犬如昨日。此亦非昔民。空傳泗水亭。井邑疑未
眞。城外綠楊柳。高窄懸風塵。猶有賣酒家。王媪幾世親。高廟
神靈在。英雄卻笑人。

隆慶己巳赴京寓城西報國寺贈字上人

慈宮崇象教。搆此絕華炫。深嚴閨香火。危峻瞰郊甸。鬱鬱
松枝低。厯遶廣殿當年。帝舅親削髮。住茲院說經。老龍聽出
手五獅現。曾聞長者言。天雨曼陀遍。吾識宇上人頭陀今哭
弁。修容冥法相。妙悟在論讀。導我畫廊行。指示西方變。晨起
供清茗。時共禪悅飯。我老欲歸去。世事今已倦。當結塵外緣。

山中儻相見

題周冕贈任別駕卷二首

江南列郡盡乘城藏穴何人肯出兵惟有使君躬擐甲劉家
巷口看潮生

東倉白晝靜城闕煙火連天豺虎噴忽駕迴湖趨海道傳呼
盡避瘦官人

田按此紀蘇州同知任琪被倭事也史稱倭患起長
吏不燭兵革環性慷慨獨以身任之卽第一詩惟有
使君躬擐甲劉家巷口看潮生也朱竹垞云任公船
瘦瘠倭人目曰瘦官人望而避之卽第二詩忽駕迴
湖趨海道傳呼盡避瘦官人也熙甫又有海上紀事
詩云任公血戰一生餘蓮碧花矯村塢虛義士劉平
能代死吳門今不數專諸史稱倭犯太倉環駛赴之
短兵接身被三創幾殆宰夫捍瑕出死之卽義士劉平
平代死事也熙甫又有頌任公詩云輕裝白袷日提
兵萬死甯能顧一生童子皆知任別駕歸然海上作
金城任公以禦倭擢按察僉事進山東參政當時皆
以爲賞薄不足以酬勞厥後給事中徐師曾頌其功詔

贈光祿卿復加贈巡撫建祠蘇州春秋致祭史不言
贈巡撫事疑遺漏也

陳吾德

一首

吾德字懋修新會人嘉靖乙丑進士授行人遷工科
給事中以論事斥爲民起原官改兵科出爲饒州知
府謫馬邑典史起恩州推官寶慶同知皆不就復起
紹興同知遷湖廣僉事有謝山存稿十卷

贈別劉近之

尊酒平生意與子別河梁顧瞻慕傳倡道路阻且長越鳥依
南棲寒鴻向北翔羽翼各有適胡能不參商義馭無還軌荏
苒悲流光勉矣卽前路引領遲成章

邱齊雲

一首

齊雲字謙之麻城人嘉靖乙丑進士除戶部主事歷

郎中出爲保寧知府改潮州有吾兼亭集

田按謙之一徑一花色無時無鳥聲西山道中句也
盛有時名

王伯固邀遊赤壁

移尊尋勝迹鼓棹破江煙感此浮雲事焉知赤壁年脩風吹
水立山月入窗懸一片淒涼色無人不可憐

王弘誨

一首

弘誨字忠銘一字紹傳定安人嘉靖乙丑進士授庶
吉士累官南禮部尙書有天池草二十六卷

四庫總目弘誨初釋褐時值海瑞廷杖下詔獄力調護
之張居正當國又作火樹篇春雪歌以諷爲居正所
衡蓋介特之士也

秋夜獨坐簡故鄉知已

涼風肅秋宇明月照庭帷攬衣起中夜四顧何躊躇伊昔來京國青楊拂地垂冉冉歲已周嚴霜履漸其恩親歲云暮遊子別經時南國無來鴻消息安可知以茲結中情彷徨無所之更念同心友參辰久乖離望遠不得至悠悠勞我思願言崇令德皓首慰相期

袁尊尼

五首

尊尼字魯望長洲人僉事麥子嘉靖乙丑進士除南京禮部主事改吏部歷員外郎中出爲山東副使有魯望集十二卷

弇州山人稿魯望詩貴錢劉而不欲捨吾吳弘正之步

田按脣望詩才華不及乃翁山語雅令不落叫鶯之習

山中寄別張大伯起

予有漸鴻志予爲采芝客以予山中雲送子風外翼舒卷亦何意升沈各有適託以常相附永爲心所惻

寄龐泉丈人

林屋疑無地金庭別有天山從堂下出湖向樹中懸雲覆仙墳草花迷古渡煙何時揚子宅還泊戴家船

七月八日長兄席上戲成

清風樓上皆沈醉惟有騷人解獨醒玉樹後庭知幾曲銀河昨夕翻雙星酒徒空憊劉公幹詩句偏騎杜德遠最是枕屏涼恩好晨鐘隱隱不堪聽

冬夜宿治平寺

禪房深處但聞香茗椀詩箋覺晝長坐聽雨聲湖上起一帆
歸去暝煙蒼

贈鄭紺桃

瑞芳湖上門鮮穫一朵倉紺歷綺最殢殺路傍金勒馬沿遊
回首悵東風

方九功

一首

九功字允治南陽人嘉靖乙丑進士除江都知縣徵
授吏部主事厯員外郎中太常少卿累遷南京工部侍
郎有白下稿息機堂稿

望旋臺

旋臺香閣倚雲松遙望層巒知幾重虹飲澗流沈夕照雨來
山谷變秋容投棲近寺寒生楓鬱靜中峯夜聽鐘更擬明朝
凌絕頂無生妙旨叩禪宗

胡涍 一首

涍字原荆無錫人嘉靖乙丑進士除永豐知縣改安

福徵授廣西道御史以建言落職爲民有采真堂集

田按原荆擢御史時神宗卽位六日命馮保掌司禮監疏請嚴馭近習毋惑諂諛訛虧損聖德冬妖星見悲慶宮後火災又疏請備察按廷有蒙先朝寵幸者體恤優遇其餘無論者少一概放遣疏中有唐高則天語幾麗大辟輔臣冤轉解救乃削籍罷爲民詩好作奇語似其爲人

寒日山中

寒近不可攀雲雲滿身揩腸貯冰雪父手看松筠骨立青

山在顏衰白首貧誰家尙高塚落日卧麒麟

王圻 一首

圻字元翰上海人嘉慶乙丑進士除清江知縣改萬安徵授雲南道御史出爲福建僉事謫邛州判官遷進賢知縣改曹縣擢開州知州歷青州同知擢湖廣僉事陝西參議有洪洲類稿十六卷明農稿四卷

田按元翰究心著述有續文獻通考二百八十九卷
謚法通考十卷碑史彙編二百二十卷兩浙鹽志二
十四卷海防志八卷水利考十六卷吳淞江議一卷
青浦志八卷詩非所長

江南初夏

旅宿蕭瑟芒袍涼別院清和午漏長細雨欲催梅子熟薰風初送楝花香不妨綠樹迷江路自有清陰占野塘欹枕偶回

鄉國夢吾廬新竹已成行

陳文燭

二首

文燭字玉叔，泗陽州人。副使柏子嘉靖乙丑進士除大理評事，厯寺副寺正，出爲淮安知府，遷四川副使，厯酒儲參政，福建按察使，進布政使，改江西，遷應天府尹，進南大理卿。有《西園詩集》十二卷，《文集》十四卷，續集十三卷。

詩數陳京兆玉叔溫良樂易，海內稱其長者。尤喜汲引後學，卽閭巷岩穴，有片善必孜孜稱述，不容口所至。戶履恒滿詩文，清婉典雅，居然名家。

送費參軍之留都

雙旌南下日搖落，正新秋羽檄還多事。
參軍好借籌，六朝黃

葉寺二水白鷗洲庾信江關賦能無寄舊遊

寄懷家叔時官黎平

音書南望暮雲低官舍蕭蕭對五溪衡雁北來飛又盡不知
曾過夜郎西

沈淵三首

淵字子靜濟南新城人嘉靖乙丑進士改庶吉士授
檢討遷司業有沈太史詩

穀城山房集司業詩體骨遒婉結社長安有人豪之
稱

送范伯禎之留都少司成

楊柳忽愁思春風奈別何攀條從此去倚棹共誰歌雲盡三
山出天空一雁過鄒枚元侍從輦禁遲鳴珂

寄贈四明李山人

結屋雲山深復深幽懷長對薜蘿陰江清石瀨堪垂釣月滿
花溪獨抱琴湖海有情還縱飲乾坤何處不高吟天涯相憶
不相見醉倚春風空此心

題劉漢翁侍御二亭

結亭漢江上時飲江亭下山翁醉不眠落日還騎馬

管大勳

一首

大勳字世臣鄞人嘉靖乙丑進士選庶吉士改給事
中出爲臨江知府遷四川副使左遷延平知府進湖
廣副使擢福建布政使加光祿卿致仕有休休齋集
渡沙溪

碧水自南來恰與西溪會陵谷無古今川流自襟帶山形盤
地維灘聲響天籟前村好風日裴回發清慨

明詩紀事

貴陽陳田書

四庫

宋登春九首

登春字應元新河人自號海翁又號鵝池生有宋布衣集三卷

四庫總目登春文章簡質可匹蘆相蠟塗集而奇古之趣勝之五言詩頗淡遠可誦徐學謨海鵠集鵝池生始慕俠能挽強馳騎聞出其餘智爲小詩又稍稍通繪事歸江夏吳偉之京師日跨一蹇驥行長安道中往來覓詩方是時臨淄布衣謝榛以詩遊公卿間聲藉甚生間得其詩唾之曰作詩何爲者而令七尺軀津津訛貨人可活耶居京師亡所過去之渤海入兗州登嶧山觀秦皇帝遺碑還居長白山一蕭寺出巖中故所貯漢魏盛唐名家詩閉關揣摩如是者三年頗窺作者之戶遂大放厥詞

而於五言尤工。眼駿駿白亡今人矣。生嘗至江陵故
遼王奇其詩，召謁便殿，語不合，一夕遁去。去數年復
來，是時吳人徐某爲荊州守，問生高自往物色之，明
日生戴紫綉冠衣皂縉衫，報謁據守上座，守爲生授
室，城中後數年守坐廢，家居生自江陵織步數千里。
來海上，從守遊，居三月，別歸江陵，守曰：「江陵難將作
矣。」後二年，遼王果坐吏議廢，生久在遼，王所袍不與
用，事者比不及。生五言詩有類孟襄陽者，清婉悲激，非近歲布衣詩可儻也。

李先芳東岱山房集鵝池能詩，畫賞著僧帽食大肉，
讀楞伽經，玩世不恭，詩宗少陵，亦燕趙之佳人也。
筆精鵝池生詩，悲惋豪逸，嘗賦俠客云：賭擲賽劉琨。
燕姬促泉尊，平生歎段馬，差入盜符門，又抱玉幾年事。
終獻楚懷書，垂老莫平秦，又折腸方大黃，盡世事。
才知白髮多，皆自寫其胸臆者也。

正翁曰：吾幸以才，力詘翁但工五言，寂寥一世，每慨今人無詩
言，傷於文，中恃能，謂北山黃公善醫，先發膿而後鍼藥，芬
列朝詩集，盧德水曰：海翁傲睨一世，每慨今人無詩
育，難之者謂翁但工五言，寂寥一世，每慨今人無詩
正翁曰：吾幸以才，力詘翁但工五言，寂寥一世，每慨今人無詩
以求歸於溫厚和平，彼才力橫駕揮霍，慕兀者方，

陰侯生善筮先人事而後卦說余未善詩先性情而後文辭寢膳人事性情也鍼藥卦說文辭也丙戌歲余寓杜亭浹旬與德水談詩甚快德水曰公之論詩謂當解駁形相披露性情何其言之似海翁也
靜志居詩話王喬之玉棺桓司馬之石椁可以謐日
至愚然而楊王孫之傑葬劉伯倫之荷鉢便埋亦矯枉之過也鵠池生語邢子熙云君視宋登春豈山相四周中人將浮錢塘脫屣江干乘潮解去旣而果躍入江魚腹之葬果勝於一棺之土乎君子譏其誕矣
生詩平淡寡深思不失爲賈浪仙李才江一流
田按海翁五律矜錄局於邊幅七言律絕揮霍自賞有唐賢遺韻

江村寒食

白鳥忘機久青山吾道存興來從杖屨老去愛雞豚楊柳橋邊市桃花江上村兒童沽酒至風雨閉柴門

秋日登吟覽樓

遠客不宜秋況登上樓心隨胡雁減身爲楚雲留漢廣饒

菰米湘清聚白鷗寒砧何處發落日動鄉愁

江陵草堂漫賦因憶楊少通

疏闊平生事支離遲暮年鄉關朔雁外客舍楚江邊酒伴曾
誰訪詩狂還自憐經過楊執戰許寄買山錢

南遊留別劉元和

東風習習芳草柔欲去不去情慙慚贈劍何年刻玉字對君
一笑訛滄洲首教白髮悲春晚乍可黃金買笑愁此日離別
那可道相思長違晉山頭

送荀吳豪士遊大梁二首

汴水東流接大河曾經帝里間銅駝春風二月旗亭酒落日
東門一放歌

沙塵風起晝冥冥二月黃河尙帶冰桑柘夕陽村店路同誰

走馬弔韓陵

擬宮中行樂詞二首

碧殿春深瑤草肥美人對月舞羅衣夜來不作青鸞夢化作
彩雲何處飛

玉蟬春遊夜未央紫衣侍史謾焚香黃金瑣合鴛鴦殿無限
春風到海棠

踏青楊柳洲

驛驛蹀躞上芳洲楊柳青青楚水流日暮東風搖百草不知
何處是昭邱

王穉登二十一首

穉登字百穀武進人

廣長菴主生贊志云曾舉武進諸生

移居吳門有

晉陵金昌燕市雨航青雀客越竹箭梅花明月采真

清茗越吟荆溪延令苦言等集

弇州山人稿

百穀詩取獨詣婉盡人巧附絕

王奉常稿

百穀雅善韻語灑灑清新

穉秀爲人所愛亦間受譏彈周公般與百穀俱以善

書冠吳中各不相下王目周書爲崛

虯拖泥周亦目王書爲煌鄭打拱似亦微肖云

列胡詩集百穀十歲爲詩長而駿發雕香刻翠名滿

吳會間嘉靖甲子北游太學汝南公方執政閣試

中牡丹詩百穀有色借相公袍上紫香分太極殿中

煙之句汝南賞歎醇節引入爲記室較書祕閣將令

以布衣領史事不果而罷汝南卒無子百穀渡江往

哭其墓丁卯復游長安雖亭當國頗修姚張之怨客

戒百穀母自白哀公門人百穀謝曰馮驩任安彼何

人哉刻燕市客越二集備書其事所以志也百穀爲

人通明閒美妙於書及篆隸好交遊善結納諱論娓

娓移日分夜聽者靡靡忘倦吳門白文待詔歿後風

雅之道未有所歸百穀振華啟秀臚枯吹生擅詞翰
之席者三十餘年

靜志居詩話百穀詩亦華整第嫌肉勝於骨

田按百穀才情妙絕弇州四十子詩云百穀命世才

興文自綺歲賞歎逾恒顧不錄於五子之列殊不可

解

寄內

桃花化浮萍不能復上枝丈夫殉功名安問還家期去年與
君別庭中辛夷花今年花若何遊子正思家花亦當再開人
亦當遠歸歸不待秋風勿寄秋風衣喜鵲知行人飛上門前
柳試問蘇秦歸還能下車否

由古蕩過西湖經萬松嶺作

理裝辭蘭若遵渚趨川薄迤邐桑下陂苜翠松上閣阡術散
縱橫臺觀俯寥廓澄湖練如洗層巒竒相錯芙蓉被清漢轉

砧響幽壑風獵枯林鳴葉翳寒泉涸蘇公蹟已陳白傅名何
邈宋時過歎歎錢祠入盤礴綴嶺寺從梁棲烏墓爲岳雷焚
浮屠塔水噏越王郭僧鐘禮青冥鳥道陟殘礪霜條鬱金翠
巖寶礮丹堊冉冉雲生杖飄飄雪滿橐迅舸勝遊鱗輕輿宛
飛鶴晨策信已疲午憩差云樂皇皇卽征途棲棲焉所泊

朱少傅綠陰亭中醉歌

長安城東少傅家亭前槐樹似青霞鷺鷺瓦上枝初出翡翠
窗中影半遮聞道先王舊時宅大樹西臨洛陽陌花發垂櫓
檠映香葉齊穿戶衣裳碧自從獻入蓬萊殿秋雨秋風瑣空
院雲裏朱門不再開人間黃髮猶曾見君侯種樹比前人葉
葉枝枝雨露新王家本自多喬木天子山來重世臣風流蘊

藉乘文武御笑藍田惟射虎功名不獨上麒麟辭賦還能擅
鸚鵡圖書多似蔡中郎金石丹青數十床子闌琅玕裝作軸
蠶叢錦綺翦爲箱虛亭如在深山處黃鸝紫燕俱無語屏間
瀑布夜長鳴壁上寒雲飛不去何人能薦馬相如何處能容
奏子虛惟君題我門前鳳惟君問我金中魚意氣蕭蕭一儒
者憐才未肯輕山野投壺不讓祭遵多飲酒豈讓羊祜下大
宛名馬桃花毛亭上天寒看寶刀酒醒一枕南柯夢騎出燕
山月正高

臥病聞吳幼元將往金陵走筆問訊

地僻梅花晏天寒藥裹增懷人聽夜雨強病買春燈斷酒愁
難減清齋瘦不勝題書問遊子何日去金陵

龍母廟

松塢石林林秋風萬壑陰泉清塵客耳花照定僧心龍去野
祠破鳥唳山竹深蒼生餓涸甚朝夕望爲霖

垂虹亭對月與管建初

蘭橈繫夕曛月出水紛紛亭子白虹半江光烏鵲分不知何
處笛只隔一重雲今夜嫦娥意清光多爲君

塘栖

水澗雨溟溟飛帆去不停人聲兩崖斷魚市一江腥雲已解
吳白山初到越青侯生數行淚千里弔文經

聽吳少君談雁岩山水

十載宦鴻迹飄飄不可羣神僊鬼谷子道士稷邱君瓢貯龍

漱濕衣浮雁宕雲坐聞嚴翼事山氣夕絪縕

海夷

錢塘雄盛比姑蘇宋室南遷是帝都處士梅花經戰馬美人
楊柳失栖鳥翠華輦路雲俱斷白馬湖聲海半枯惟有將軍
青塚樹枝枝南向野鷺呼

送盧太守罷官歸楚

日南唳鳥半含愁聞說盧敖不再遊剖竹曾行滇萬里迷花
初寵漢諸侯故人開闔誰青眼刺史還家尙黑頭如去習家
池上醉莫教山箇獨風流

錢王祠

玉帶龍衣貌宛然朱門碧殿暮潮邊行人下馬看碑字高柳

藏鴉拂廟壇木委故都州十四波濤殘岸弩三千傷心一片
厓山地月色潮聲更可憐

光福寺懷碧公

古寺春雲冷不勝竹青梅白水層層檀那次第有千臘衣鉢
流傳凡幾燈晉代殘碑晉似霧違公新影瘦如藤故人獨有
陶元亮行過溪邊淚濕膺

遊昆山故大司空潘公別墅

流烏飛入未央宮太液池波照夜紅黃屋正須將作監青山
不起大司空微雲漏口崦嵫外片水聊城渴澗中欲上高樓
看震澤欄杆寂寞鎖秋風

至日謝在杭送酒錢

長至勞君送酒錢他鄉風物倍堪憐烏程三斗難中聖蒼弁
羣峰空刺天佛日漸經香案上慈雲不散竹房前糴敷豈學
臨邛女閒盡相如綠綺絃

贈剡令施君

而翁昔日守毘陵曾謁龍門御李膺有子今爲鑑湖長題詩
欲寄若耶僧蘭亭勝事風堪續剡水扁舟雪可乘五十會稽
官未晚聞君清似玉壺冰

中秋日送錢象先遊豫章

西風征雁不堪聞病裏題詩思送君月與離樽今夜滿秋將
行色一時分匡廬木落山如黛彭蠡霜寒水似雲公子西園
賓客盛好陪飛蓋共論文

答留夏黃中丞唯尚

靈武妖氛埽未清十年狐鼠尙縱橫申丞仗鉞新開府驕虜悲笳莫近城帳下幾人能草檄秋來無處不屯兵君王欲識邊臣苦一夜清霜繞鬢生

虎邱

空原豐草貞娘墓萬木青青玉骨迷惟有殘鶯學遺曲深秋還上竹枝歌

長安春雪曲

一半秦聲半楚聲秦娥調瑟楚娥笙鳳凰城裏家家雪但是紅樓凍不成

曹娥廟

漠漠秋潮浸古祠蕭條黃絹已無碑祐應秦望寒山色青似

曹江孝女眉

席上贈曹太史家歌姬

東山昔伴謝公遊一曲能傾十二樓
今夜佛燈禪榻畔路傍相逐按梁州

王叔承

十一首

叔承初名光眉以字行更字承父慨更名靈岳又字子幻吳江人有壯游吳越游荔子楚游後吳越游嶽色編等集

四庫總目叔承早棄舉子業縱游齊魯燕趙又入蜀入楚其在郢下鄭若庸薦之趙康王叔承以王無下士賓意賦詩以行有壯心欲別遂知已羞向侯門待晚餐之句又客大學士李春芳家亦以使酒偃蹇謝去

史稱其與王錫爵爲布衣交鋤爵再召時有建三王並封議者叔承遺書數千言謂當引大義以去就爭不當依違兩端負主恩辜物望蓋其氣節懷抱亦非當時山人墨客以詩句爲市者比最後從顧養誰於塞上無所成就而歸乃不復出

弇州山人續橐承父於諸體無所不精歌行尤其至

列朝詩集承父爲詩豪宕莽蒼天才爛發最爲王元美兄弟所推敬美序其詩以爲太初讓其精俞謝遜其兼七言歌行頃刻數百千言可喜可愕極種變幻真龍以牛溲馬勃爲藥仰嬉笑怒罵爲文章然元美作五子詩不及承父僅居四十子之一而已承父序卓識甫之詩曰詩衰於宋元北地起而復古一代摩擬之格此其創矣歷下一變鍛錬淘洗脫凡俗而尙精麗然才情聲律未極變化故用豪句構壯字自高或晦或明而雜疊複而致厭始多宗之後且避之也弇州與歷下同名而異用又變而博大僻遠汪洋磅礴無所不出入安究其底則死骨未寒非之者過於慕之慕者矣承父之特論如此何怪乎弇州實應川憎陽浮靜志居詩話承父才情奔逸下筆不能自休其論詩不甚傾心王李大指謂事與景者天地所自有之物

偶遇而收之情與意者吾所本有之物偶觸而發之
彼吾役也吾不彼役也斯言良是惜其所作率率者

十九王元美序之稱其句就而色自佈篇就而用恒
有餘驟讀之恍然若新既諷之而又恍然若故王敬
美序之稱其能以牛溲馬勃爲藥餌嘻笑怒罵爲文
章蓋皆寓貶於褒之辭而承父自負其才受二美之
寵絡不覺也平情而論承父亦安能敵元美卽就宮
詞百首而觀已遠出元美之下特其卷帙繁富不減

弇州詩部爾
田按承父才情在沈嘉則之上弇州爲作崑崙山人
傳又爲序荔子編序後吳越游編情頗不薄而承父
持論時有異同與謝茂秦不和弇州五子詩均足爲

布衣吐氣

自錢塘由富春桐江抵七里灘同范仲昭

鳴榔曉發錢塘江波闊綠酒浮春缸江風吹帆三百里青山
片片隨船窗山頭挫天根插水兩岸陰森那可已游郎如坐
綠雲來人家盡佐瑤屏裏三江煙樹嗟空閭誰道龍中更奇

絕。陸巖風翠寒撲肌拂手藤花灑香雪。荆扉女兒揚茜裙映柳窓人半明滅。山村酒價不用錢笑減青梗沽竹葉風波相遇皆行邁。死生肯付乾坤外采芝昨上桐君廬。占星又宿嚴陵瀨。

東海游仙歌簡王學士元馭王中丞元美

雲陽仙子王家姑幼從節烈參虛無七年服氣絕煙火玉樓明月寒冰壺精光射天天欲坼列宿羣真自相迫憑虛密諳五千言語落天香翠綃隔座上非時荔子紅空中當鬱霓裳白一朝丹就扶桑曉海東家近蓬萊島左持星劍右揮蜃芙蓉之冠簪七寶蠶蛇故繞飛昇臺彷彿茅龍與青鳥歌成混沌謝蜉蝣吹斷琅璈人世小丹霞一縷通紫京瑤華雙頰桃

花明九月九日金母宴西池使者迎飛璫手辭萬眾灑然去
青蓮擁蛻秋蟬輕是時余坐蒼龍嶺獨鶴橫空見仙影黃菊
杯搖赤羽幢知是天台籍新逞玉堂學士本仙吏怪得金闕
出靈異女且開班玉帝宮眼底英雄齊奪氣仙機縹渺人不
聞秘訣乃授瑤瑤君文章信有神仙骨漆園傲吏才如雲許
碏謫地爲酒狂余落魄希蒙莊采真方寸成邱壑五嶽真
形醉裡藏自從子晉緣山後往往仙人喜姓王縹渺仙機何
不有笑倩瑤琊問南斗方平昨得麻姑書五百年來別未久
它時相見崑崙嶺滄海桑田幾重九希夷先生只好睡東方
小兒善盜酒

野獲編王太倉以侍郎忤江陵子告歸其仲女晏陽
子者得道化去一時名士如弇州兄弟沈太史懋學

屠青浦隆馮太史夢楨瞿胄君汝稷輩無慮數百人皆頂禮稱弟子先已豫示化期至日並集於其亡夫徐氏墓次送者傾東南說者疑其爲蛇所祟蓋初遇仙眞卽有蜿蜒相隨直至遺蜕入龕亦相依同掩則此說亦理所有然和同三教力擴旁門語俱具弇州傳中初非誣飾也事傳南中給事牛爲炳者遂贊以獻江陵疏稱太倉以父師女以女師人妖誕不經并弇州輩皆當置重典時徐太室學謨爲大宗伯太倉同里人也力主毀廢焚骨以絕異端慈聖太后聞之亟呼馮瑞傳諭政府江陵驚懼始寢其事

趙州柏林寺觀雙壁畫水歌

王弇州題長句辯畫非吳道子爲志解嘲然趙州也誤定州余歌亦及之解嘲之解嘲矣

嘗觀馬遠十二水江漢汪洋勝片紙此水卻傳吳道子雙壁波濤映空起初疑塑出海眼層竦身拂手纔知平又疑阿耨現法水久視恍覺奔湍鳴畫家神品鬼工入蜃妖龍女輸精

靈起伏萬態布尋丈淋漓水墨青天傾性空真水彌天地趙
州老禪或游戲口吸東流噴壁間千秋不斷滹沱沸楞嚴水
觀更奇絕身化秋潭空光澈坐來心與畫相融五內冷然俱
水月吾鄉王弇州辨畫非吳生故人忽在畫長句猶縱橫何
爲趙州寺誤作定州稱眼前名地且自失筆端古蹟何須評
君不見趙州談禪渺無際庭前柏子西來意人空畫空水亦
空方寸微茫萬里逝半月車馬征塵紅縠紋可有漁舟通笑
向畫中攜片水煙帆飛送吳江東

茅平仲顯靈宮小飲

邂逅金焦客京華自出塵飲當仙觀晚來及御園春白首饒
花事青山耐酒人鱠鮮櫻子熟夢落大江濱

冰出吳江

臘去三朝雪春來十日冰櫂鳴寒玉破舟白浪花凝客夢天
無際人烟樹幾層吳江沙月暝雁影落漁燈

金陵覽古

南北乾坤壯此行西風走馬石頭城三吳往事秋濤急六代
新愁暮雨生龍虎祇今餘王氣江山千里護神京請看豐鎬
艱難地迴首園陵無限情

遊觀音巖燕子磯因感梁王達摩故事

觀音高閣迴巖扉客酒懸陵燕子磯山帶石城孤寺立潮平
江國亂帆飛故宮木葉空金鑑荒渡蘆花失寶衣我亦乘風
欲西逝少林秋老白雲歸

吳江舟中秋懷

千古殘碑現渚沙
闔閭山碧帶枯槎
錦城煙雨迷王國
江市笙歌半酒家
墓冷要離甯有劍
館空西子尙餘花
壯懷迴首吳歛發
胥水天寒散暮鶴

甲午除夕飲薌門豨荳酒感興

臘盡江村萬里歸
客裝猶帶岳雲飛
殘年恰傍疏梅老
故侶驚同落葉稀
果弄新孫燈爛熳
孟傳名酒雪霏微
五湖元有羣鷗在
明發輕刀理釣磯

宮詞

柳外鞦韆拂綺櫻
舞闌初解翠雲裘
玉鞭夜踏桃花馬
萬朵銀燈照打球

少年行

千金寶劍萬金裝笑擲胡姬綠酒床醉躍紫騶呼俠客東風
吹入鬪雞場

沈明臣 十九首

明臣字嘉則鄧人有豐對樓集四十三卷

四庫總目明臣詩才氣雄涌得之太易
列朝詩集萬歷間山人布衣豪於詩者吳門王伯穀
松陵王承父及嘉則三人爲最王元美繼二李之後
獨主詞盟引同調抑異已謝茂秦故社中老宿有違
言於厯下則合從以摘之海內詞人有不入其門牆
不奉其壇壝者其能自立者鮮矣伯穀才名故與烏
衣馬糞相韻頗承父早多貨遊嘉則晚依宗袞三人
者其聲勢皆足以自豪元美與之推故在異同離合
之間夷三君於四十子而登胡元瑞於末五子雖未能
能一切抹殺其用意軒輊猶前志也

靜志居詩話嘉則文長同在胡少保知遇督府周防
嚴密文長恒戴敝烏巾白衣布澣衣非時闖入或出

泥飲夜深猶開戟戶以待嘉則嶽嶽不阿少保遙望
見必起立及少保死請室中嘉則走哭墓下持所爲
誅遍爲訟冤比於丈長懼禍發狂者相越矣嘉隆間
士大夫以篇什相高最繁富者莫若弇州於時吳明
卿之齋甄洞汪伯玉之太函李本甯之大沁山房以
及劉子威馮元成余仲房屠緯眞之徒槽邱內林愈
多愈穢下及布衣若王承父王伯毅輩咸以多相尚
嘉則先後積詩七千餘夫安得精然絜之承父則雖
饑腐菌間有神芝卽屬勢芻不無慕蕙非若諸君之
叢苦荒茅紛然彌望也

田按嘉則渡江見王弇州持所爲詩求序曰吾先後
詩爲篇者七千而今僅四百不欲以武夫累玉也可
謂有自知之明厥後陳大科盡刻七千餘首非其意
也嘉則詩五七言近體七絕多有合作古體長篇間
傷厖雜非出之太易之爲累乎

遊寶嚴寺

山口帶湖濱秋光媚行客高樹半青黃澄潭湛寒碧一徑入
逶迤荒林鐘磬僻紀寺屢廢興殘碑在東壁因而蕭夫子乃

是唐代躡空墳局千年但有荒苔色回首問白雲何時再來
得

題畫冊

勝國雲林生曠遠天下士筆勢無古人逍遙絕塵滓畧約寫
山水老樹空亭子殘山青欲無當從白雲逝

題煙江疊嶂圖爲雲間徐司理用敬

只尺湘江分漢浦春水春山半煙雨晴來白浪卷桃花灘處
蘿蕪漲鸕鷀人家遠岸入微茫參差樓閣青霞傍屏風出沒
有無際螺髻隱見芙蓉光風吹白雲斷不斷雲裏若松亂邅
亂欲窮遠勢落滄溟孤帆只到青天半卽今畫手吳門多蕙
匠筆力當如何莫言點綴空草草經營幾向南宮過細觀秀

號真誰似疊嶂樓而宛溪裏澄江如練謝立暉恍惚移來欲
千里雲間司理徐浦城片言往往稱神明庭空吏散白日靜
哦詩看盡冰壺清

靈谷寺

詔開金粟界客問寶公堂古殿秋雲白深松夕照涼馬餘荒
塲草鹿過廢園牆最是鍾山色朝朝在竹房

過淮陰

客問淮陰道人過跨下橋春風吹野樹落日照寒潮楚漢山
河改君臣恩怨銷惟應祠漂母千載奠蘭椒

過樊江

處處足清波樊江一棹過浦帆秋色遠村樹晚煙多水飯資

蓑衣山衣雜芰荷度來風裏曲半是榜人歌

老夫

春雨連三月陰雲互九霄此生眞鹵莽萬事總蕭條憂國惟
黃髮回天賴聖朝老夫貪一壑倘可託漁樵

與孺覺幽尋

邱壑本吾性願於之子同蘋花吹晚白梨葉戰秋紅到枕水
聲滑下庭山影空前林足幽事路與白雲通

寄題李之文春水亭

池上青蓮館館前春水亭鷗來不肯去客至但沈冥浩蕩迴
天影煙波洗性靈城邊落日下半入海霞青

吳門懷古

廢苑遺宮久寂寥吳王舊恨已全消城臨九陌要離塚水落
三江范蠡橋衰草不憐馳道毀野花曾妬館娃嬌未須過客
悲搖落卧聽寒塘生暮潮

夢中與諸客賦詩分題得漢武帝

大略雄才廓九州玄菟直接日南陬將軍已斷匈奴臂使者
還封博望侯金殿秋分玉母席玉樓春御吉光裘不因封禪
巡行出築得宣防瓠子不

題李賓父蕭皋別業

林皋自有徵君業古碑何年別姓蕭路入青溪雙女廟天低
綠樹鮑郎橋三家鄰舍能供酒十里江田不用潮時世清平
吾與汝不妨長此作漁樵

卷十六
吳門送黎祕書惟敬解官還嶺外

白首三朝侍從臣投簪歸作嶺南人五千去路梅花月萬里
恩波越水春別望雁書來瘴海夢思龍劍合延津羅浮倘向
君王乞絕勝吾鄉賀季真

七夕阻風泖浦柬長卿明府開之吉士

此夕明河爛不收相逢猶自隔南樓花邊靈鵲迷橋影水上
孤楂殢石尤微雨凌空仙珮濕纖雲約月鳳簫愁北門學士
誰爲賦千古令人恨未休

四月望後始得朱溪新茗分貽鄭功系以長律

海國今年氣未融一春多雨病山農到來新茗時全過分去
餘甘手自封消渴最憐君卧久提摘無奈使難逢一盃乍許

金莖露好挹天泉對古松

凱歌

銜枚夜度五千兵密領軍符號令明狹巷短兵相接處殺人
如草不聞聲

甬上耆舊集少保胡公宗憲行部七閩燕將士鬪柯
山上酒醡樂作請嘉則作凱歌十章坐上詩立成讌
酒高唱至狹巷短兵相接處殺人如草不聞聲少保
起將其鬚曰何物沈郎雄快乃爾卽命刻石山上

蘇州歌

閨闥城外木蘭舟朝泛天池暮虎邱三萬六千容易過人生
只合住蘇州

昭陽郡中送客

天涯秋盡別余歸一片鄉心傍汝飛醉裡題書醒處讀不知

雙淚落斜暉

廢宅桃花

昔年池館似高唐
猶有桃花滿壞牆
夢裡春風渾不覺
一枝無語弔殘陽